



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

REPUBLIKA E KOSOVES
KOMUNA LIPJAN
REPUBLIKA KOSOVO
OPŠTINA LIPLJAN

Pranuar më:	16.07	20 25
Priljeno:		
Njësia Jednica	Numri Broj	Shtojca Dodatak
01-052/01-36226		

Zyra e Kryetarit të Komunës

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2025

PROCESVERBALI NGA MBLEDHJA E PARË PUBLIKE E THIRRUR NGA KRYETARI I
KOMUNËS NË QERSHOR 2025

INFORMATË RRETH NJOFTIMIT

Hyrje

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021, Udhëzimi administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-016/0163314, e datës 26.12.2024 si dhe Planit të Veprimit për transparencë në komunë, Komuna e Lipjanit harton procesverbal nga mbledhja e parë publike e thirrur nga kryetari i komunës për periudhen janar-qershor 2025 i cili është mbajtur me datën 21.06.2025, në sallën e Kuvendit Komunal, duke filluar nga ora 10:00. Në bazë të Ligjit për Vetëqeverisje Lokale, Komuna është e obliguar të mbaj dy tubime me publikun, njërin në gjashtëmujorit e parë të vitit fiskal dhe tjetrin në fundvit.

Ecuria e Procesit

Zyrtari përgjegjës për menaxhimin me Platformen e Konsultimeve Publike dhe Koordinimin e konsultimeve publike në Komunën e Lipjanit ka bërë me kohë lajmërimin dhe ka publikuar njoftimin në ueb faqe të Komunës, në dy gjuhët zyrtare, dy javë para mbajtjes, sipas ligjit për Vetëqeverisje dhe rregullatives tjetër ligjore të cilat janë në fuqi.

<https://lipjan.rks-gov.net/wp-content/uploads/2025/05/202505281028208655.pdf>

Po ashtu njoftimi është vendosur edhe në hyrje të objektit të komunës si dhe në vendet e tjera më të frekuentuara nga ana e qytetarëve.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2025

INFORMATË RRETH NJOFTIMIT

Takimi i cili është mbajtur **20.06.2025** duke filluar në ora **10:00** në sallën e Kuvendit Komunal ka karakterin informues për pjesëmarrësit, ku përfaqësuesit e komunës njoftojnë për aktivitetet komunale, për të arriturat dhe vështirësitë, për synimet dhe investimet kapitale gjatë periudhes për të cilën është thirrur takimi, ndërsa të pranishmit mund të bëjnë pyetje dhe të japin propozime përfaqësuesve të zgjedhur komunal lidhur me realizimin e projekteve të planifikuara si dhe për çështje të tjera që janë në interes të qytetarëve.

Për të folur rreth aktiviteteve të Komunës, për planet dhe sfidat, fjala kryesore i takoi kryetarit të komunës, Imri Ahmeti.

Në prani të drejtorëve të Drejtorateve komunale, përfaqësuesve të Këshillave Lokal përfaqësuesve të shoqërisë civile dhe shumë qytetarëve tjerë, mbledhjen e hapi kryetari i Komunës, Imri Ahmeti ku takimin e filloi duke i njoftuar të pranishmit punën e gjashtëmujorshit të parë të vitit 2025 të qeverisjes lokale ku bashkarisht kanë diskutuar për të gjitha projektet, të arriturat dhe sfidat gjatë kësaj periudhe.



PROCESVERBALI NGAMBLEDHJAE PARË PUBLIKE E THIRRUR NGAKRYETARI I
KOMUNËS NË QERSHOR 2025

TAKIMI ME QYTETARË



PROCESVERBALI NGA MBLEDHJA E PARË PUBLIKE E THIRRUR NGA KRYETARI I
KOMUNËS NË QERSHOR 2025

TAKIMI ME QYTETARË

Kryetari Imri Ahmeti në fillim të këtij takimi është shprehur i kënaqur me dinamikën e investimeve kapitale e cila po shënon një rritje në bazë të planifikimit, ku theksoi se aktualisht janë duke u zhvilluar në teren shumë projekte investime vetanake nga komuna dhe projekte të tjera së bashku me partner.

Kryetari Imri Ahmeti, ka vazhduar duke thënë se projekte të shumta kapitale janë në proces të publikimit, vlersimit dhe lidhjes së kontratave dhe shumë shpejtë do të filloj implementimi i tyre.



PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2025

TAKIMI ME QYTETARË

Gjatë takimit, Kryetari Ahmeti vlerësoi trendin pozitiv në realizimin e të hyrave vetanake, ku deri më tani janë realizuar 56.40% e planifikimit vjetor. Veçanërisht u theksua realizimi i tatimit në pronë, i cili ka arritur në 53.52%, duke shënuar një rritje prej 19.34% krahasuar me periudhën e njëjtë të vitit të kaluar.

“Realizimi i përgjithshëm i të hyrave vetanake është rritur për 25% krahasuar me gjashtëmujorin e parë të vitit 2024, që dëshmon për një performancë të qëndrueshme dhe menaxhim efektiv të buxhetit komunal,” tha Kryetari z. Imri Ahmeti.

Sa i përket projekteve kapitale, aktualisht janë në proces disa projekte, ku një pjesë e tyre është duke u zbatuar në terren, ndërsa të tjerat ndodhen në fazat e procedurave të tenderimit dhe përzgjedhjes së operatorëve, me pritshmëri që shumë shpejt të fillojnë punimet.

Kryetari Ahmeti theksoi se Komuna e Lipjanit, falë qeverisjes transparente, është shpallur fituese e Grantit të Performancës nga DEMOS, përmes të cilit ka siguruar mjete shtesë për projekte të reja. Këto projekte tashmë janë në fazën e tenderimit dhe pritet që së shpejti të nisin zbatimin në terren.

Gjithashtu ai potencoi se përveç investimeve në infrastrukturë, prioritet i veçantë do t’u kushtohet edhe sektorëve të arsimit, shëndetësisë, bujqësisë, sportit, kulturës dhe rinisë, për të cilët janë realizuar projekte konkrete dhe do të vazhdohet me mbështetje të vazhdueshme në funksion të përmirësimit të jetës së qytetarëve.

Më tutje kryetari Imri Ahmeti ka shpalosur edhe disa nga të arriturat e ekzekutivit përgjatë kësaj periudhe raportuese duke theksuar se në vazhdimësi jemi angazhuar që të gjithë qytetarëve lipjanas t’iu ofrojmë kushte dhe shërbime sa më cilësore. Jam i kënaqur me rezultatet e arritura nga Komuna e Lipjanit në zbatim të ligjit dhe transparencës e llogaridhënies, ka bërë që Lipjani të renditet si komuna e parë në nivel vendi në nga KDI.

Ai po ashtu tha se kur jemi të vlerësimet i gëzohemi faktit që Komuna e Lipjanit në pas çdo matje që ju bëhet komunave është në krye të listave në nivel vendi.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Kryetari Imri Ahmeti po ashtu ka njoftuar të pranishmit se tani jemi në kohën e hartimit të Kornizës Buxhetore e cila gjatë vitit mund edhe të pesojë ndryshime, qoftë nga rishikimi i buxhetit, qoftë nga redistribimi, qoftë edhe nga tejkalimet e të hyrave, qoftë edhe nga donacionet dhe grantet që marrim gjatë vitit, por që kontributi juaj përmes dëgjimeve buxhetore për KAB që po zhvillohen është i jashtëzakonisht i duhur për lokalitetet dhe venbanimet nga ju vini në mënyrë që t'i zgjedhim bashkarisht problemet e ndryshme kolektive por edhe ti realizojmë projektet më prioritare për vendin tuaj.

Kryetari Ahmeti, ftoi qytetarët që të jenë sa më bashkëpunues sa më aktiv që nëpërmjet sugjerimeve, vërejtjeve dhe kërkesave të bëhen pjesë e pandashme e ndikimit në përmirësimin e jetës së gjithë qytetarëve të Komunës së Lipjanit, në të njëjtën kohë ai i ka falënderuar ata për kontributin e vazhdueshëm që po japin në lokalitetet e tyre.

Në përmbyllje të takimit, Kryetari Ahmeti falënderoi të gjithë pjesëmarrësit dhe ritheksoi rëndësinë e komunikimit të drejtpërdrejtë me qytetarët si pjesë thelbësore e qeverisjes së hapur, gjithëpërfshirëse dhe transparente në shërbim të qytetarëve.

Qytetarët prezent në këtë takim publik, kanë shprehur falënderime për Kryetarin Ahmeti, për angazhimin në kryerjen e punëve të shumta që po bëjnë për të përmirësuar jetën e qytetarëve të Komunës së Lipjanit si dhe paraqiten kërkesat për investime kapitale në të ardhmen krahas lokaliteteve të tyre e të cilat janë më me prioritet për ta.

Zymer Ahmeti, përfaqësues i lagjes së Akllapit tha se unë e kam një kërkesë të cilën e kam ngritur që disa herë që ka të bëjë me asfaltimin e rrugicës “Milazim Petrova”, ku ne kemi bërë një kërkesë së bashku me nënshkrimin e banorëve për asfaltimin e asaj rrugice mirëpo deri më tani nuk ka asgjë. A ka diçka pozitive rreth kësaj çështje ose jo?

Imri Ahmeti, kryetar i komunës tha se sa i përket asaj rrugice ju kam premtuar që pas pelqimit nga ana e juaj do të asfaltohet dhe shumë shpejt do të procedohet nga drejtoria e prokurimit.

Bujar Qeriqi, kërkoj të dijë rreth rrugës “Milazim Petrova”, se kur do të asfaltohen sepse edhe fëmijët po detyrohen të shkojnë në shkollë neper baltë.

Imri Ahmeti, kryetar i komunës tha se sa i përket asaj rrugice ju kam premtuar që pas pelqimit nga ana e juaj do të asfaltohet dhe shumë shpejt do të procedohet nga drejtoria e prokurimit. Ndërsa sa i përket nxënësve në nxënësit i bartim me autobus nga të gjitha fshatrat e Lipjanit por dhe nga qyteti.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Xhyla Korpuzi, përfaqësuese e fshatit Shalë tha se e falënderojmë kryetarin e komunës për punët e mira që janë bërë në fshatin Shalë, por kemi dhe disa kërkesa të vazhdoj rruga deri te Memoriali, pastaj vendosja e dy bus stacioneve te fshat, dhe disa çështje te tjera.

Imri Ahmeti, kryetar i komunës, ka thënë se në Shalë vitet e fundit janë bërë insvetime dhe janë planifikuar edhe asfaltime të rrugicave por edhe do i marrim parasysh edhe kerkesat e tjera që vin nga banorët e Shalës në mënyrë që ato të planifikohen me kohë.

Milaim Xhema përfaqësues i fshatit Grack, tha se ne fshatin Grackë ka nevojë për investime së pari vazhdimi i ndriçimit publik ne disa rrugica, riparimi i rrugës kryesore etj.

Imri Ahmeti, kryetar i komunës Në Grackë janë bërë investime, ka investime shitesë që janë planifikuar dhe buxhetuar për Gracken por do të planifikohen edhe kërkesa tjera që dalin nga banorët duke u nisur nga ato më prioritare.

Engjell Gashi, përfaqësues i fshatit Brus, tha se ka nevojë për asfaltimin e rrugicave në Brus2 dhe Peshter 2, po ashtu edhe ndriçimi publik ne fshat.

Imri Ahmeti, kryetar i komunës tha se shumë shpejt do të nënshkruhet kontrata e ndriqimit publik po ashtu do të planifikojmë edhe projekte tjera për këtë fshat.

Ramadan Sylejamni, përfaqësues i fshatit Leletiq tha se ne fshatin tone janë bere disa investime, por ka nevojë edhe për disa investime te tjera se pari te shkolla, pastaj rregullimi i një ure etj.

Imri Ahmeti, kryetar i komunës Në Leletiq janë bërë investime, ka investime shitesë që janë planifikuar dhe buxhetuar për Leletiqin por do të planifikohen edhe kërkesa tjera që dalin nga banorët duke u nisur nga ato më prioritare.

Qerim Fazliu, përfaqësues i fshatit Mirenë, tha se ne fshatin Mirenë janë bërë investime, por kanë mbetur në gjysmë edhe zgjerimi i rrjetit te kanalizimit me një lagje, pastaj asfaltimin e disa rrugicave.

Imri Ahmeti, kryetar i komunës Sa i përket kanalizimit në Mirenë ka mbet vetëm një lagje për shkak të problemeve që kemi aty aty, ndërsa disa projekte tjera janë planifikuar dhe do ti marrim në konsideratë edhe kërkesat e tjera që dalin nga banorët.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Skender Gashi, përfaqësues i fshatit Dobrajë tha se në fshatin Dobrajë janë bërë shumë investime ashtu siç janë bërë edhe në fshatrat tjera që nuk janë bërë që disa vite. Dhe Lipjani me fshatra ka ndryshuar me te madhe për të mirë.

Imri Ahmeti, kryetar i komunës, ka potencuar se Komuna e Lipjanit do të vazhdoj të investoj në secilin fshat duke u nisur nga prioritetet.

Milazim Shala, tha se ju falënderoj për punët e mira që janë bërë në fshatin Kleqkë, ku së fundi është bërë edhe asfaltimi i disa rrugicave dhe kisha kërku që në secilin vendbanim të vazhdoni me punë të tilla

Imri Ahmeti, kryetar i komunës ka potencuar se Komuna e Lipjanit do të vazhdoj të investoj në secilin fshat duke u nisur nga prioritetet.

Kamer Podrimaqaku, tha se janë bërë investime të mëdha në përgjithsi në komunën e Lipjanit, por kam një kërkesë për rregullimin e shtyllave të cilat bartin emrat e rrugëve.

Imri Ahmeti, kryetar i komunës, tha që jemi në process të emërimit të rrugëve dhe pastaj do i vendosim tabelat për emërtimin e rrugëve.

Imri Lacaj, tha se në komunën e Lipjanit janë bërë investime në secilin fshat, mirëpo ka nevojë për rritje të subvencioneve të klubet sportive pasi që rinia po ikin dhe duhet me shumë të investohet në sport aty ku është rinia.

Imri Ahmeti, kryetar i komunës Sa i perkat rritjes së subvencioneve ne kemi bërë përpjekje që të rriten nga viti në vit dhe prap të rriten sa na lejojnë mjetet buxhetore sepse kemi dhe bujqësinë dhe dikastere tjera.

Bardhyl Ibrahim tha se në komunën e Lipjanit janë bërë shumë investime mirëpo ka nevojë për mirëmbajtje të pronës publike pasi që është në gjendje jo të mirë.

Imri Ahmeti, kryetar i komunës ka thënë se për momentin ka skaduar kontrata e mirëmbajtjes dhe jemi afër nënshkrimit të kontratës së re për mirëmbajtjen e ndriçimit publik po ashtu edhe të varrezave dhe pronës publike.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Pasi që diskutime të tjera nuk pati Kryetari i komunës Z. Imri Ahmeti i falënderoi të gjithë pjesëmarrësit dhe ritheksoi rëndësinë e komunikimit të drejtpërdrejtë me qytetarët si pjesë thelbësore e qeverisjes së hapur, gjithëpërfshirëse dhe transparente në shërbim të qytetarëve

Pasi çështje të tjera nuk kishte mbledhja perfundoi ne ora **12:15**

Në këtë tubim publik kanë marrë pjesë **40** pjesëmarrës, prej tyre **12** femra dhe **28** meshkuj.

Bukurie Zejnullahu -Jashari

Udhëheqëse e Sektorit për Komunikim me Publikun dhe përgjegjëse për konsultime publike

Lipjan, 16.07.2025